



**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ**  
**ԻՋԵՎԱՆԻ ՄԱՍՆԱՃՅՈՒՂ**

ՀՐԱՄԱՆ № 1808Ի 09 11 2023թ.


**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻՋԵՎԱՆԻ**  
**ՄԱՍՆԱՃՅՈՒՂՈՒՄ ՀՈԳԵՔԱՆԱԿԱՆ ԾԱՌԱՅՈՒԹՅՈՒՆՆԵՐ ՄԱՏՈՒՑԵԼՈՒ ՄԱՍԻՆ**

Ղեկավարվելով «Երևանի պետական համալսարան» հիմնադրամի Իջևանի մասնաճյուղի (այսուհետ՝ ԵՊՀ ԻՄ) կանոնադրության 15-րդ կետի 6-րդ ենթակետի, 32-րդ կետի 8-րդ ենթակետի պահանջներով և հիմք ընդունելով ԵՊՀ ԻՄ-ի գիտական խորհրդի՝ 07.10.2023 թ. № 68/10 որոշումը՝

**հրամայում եմ.**

1. ԵՊՀ ԻՄ-ում թույլատրել կազմակերպել և մատուցել հոգեբանական խորհրդատվական, հոգեթերապևտիկ, անձնային և մասնագիտական զարգացնող բնույթի ծառայություններ մասնաճյուղի ուսանողների, աշխատակիցների ու Տավուշի մարզի բնակիչների համար:
2. Մինչև համապատասխան ստորաբաժանման ձևավորումը՝ ծառայությունների մատուցման աշխատանքների կազմակերպման պատասխանատու նշանակել ԵՊՀ ԻՄ-ի հումանիտար գիտությունների ֆակուլտետի մանկավարժության և հոգեբանության ամբիոնի դասախոս Մերի Տիգրանի Ազիզյանին:
3. Մերի Ազիզյանին՝ 5 (հինգ) աշխատանքային օրվա ընթացքում տնօրենի հաստատմանը ներկայացնել գործունեության ծրագիր 2023թ. նոյեմբեր-դեկտեմբեր ամիսների համար և համապատասխան մասնագետների խմբի կազմը:
4. Հոգեբանական խորհրդատվական և այլ բնույթի ծառայությունների մատուցման համար ժամանակավորապես տրամադրել Գիտելիքի նորարական հաբի տարածքը՝ ըստ տնօրենության հետ համաձայնեցված ժամանակացույցի:
5. Թույլատրել Մերի Ազիզյանին «Ֆեյսբուք» և «Ինստագրամ» սոցիալական ցանցերում բացել «ԵՊՀ ԻՄ հոգեբանական ծառայություններ» անվանումով էջեր՝ մատուցվող ծառայությունների կազմակերպման, դրանց հանրայնացման և պլանավորվող միջոցառումների մասին մասնաճյուղի ներքին և արտաքին շահակիցներին տեղեկացնելու նպատակով:
6. Սույն հրամանի մասին սահմանված կարգով տեղեկացնել Մերի Տիգրանի Ազիզյանին, ֆակուլտետների ղեկաններին, ստորաբաժանումների ղեկավարներին:
7. Հրամանն ուժի մեջ է մտնում ստորագրման պահից:

**ՏՆՕՐԵՆԻ ՊԱՇՏՈՆԱԿԱՏԱՐ**



**Ա. Հ. ՄԱԿԱՐՅԱՆ**